

hoc est, totâ rerum creatarum collectione, videlicet cœli terræ, & omnium quæ in his continentur, ut in cap. 2. lib. de mundo ad Alexandrum, quem Iustinus Martyr & alij Aristoteli attribuant. Sic Job. 1. 10. Mundus per ipsum factus est. Et similiter Act. 17, 24. Item Epb. 1. 4.

Atq; in hac postremâ significatione nos in presenti tractatu voculam mundi usurpabimus; ei definitionem, causas, & affectiones accommodaturi.

### Quæstio. III.

Quid sit mundus & an exactè definiri possit?

**M**undi varie reperiuntur apud auctores varios definitiones: quarum tamen pleræq; vel metaphoricæ, vel in aliud aliquod præceptum bonæ definitionis impingentes; quales sunt sequentes ferè omnes. exceptâ ultimâ nostrâ.

Ciceroni Lib. 2 de nat. Deorum, mundus est quasi communis Deorum atq; hominum domus aut urbs utrorumq;.

In hac plurime  
sunt